

## CASO PRÁCTICO A)

**1)** Producida a vacante por xubilación en dous postos do Corpo Administrativo do Parlamento de Galicia o 31/01/2023 (ámbolos dous do Grupo C, nivel 16, complemento específico de 14.000 € anuais en 14 pagas), formúlase unha reorganización consistente en:

- a amortización de ambos postos (a antigüidade dos xubilados era de 36 anos recoñecidos nos mesmos).

- a creación dun posto do Corpo de Xestión no Servizo de Persoal e Réxime Interior (Grupo B, nivel complemento de destino 22, complemento específico de 18.000€ anuais en 14 pagas).

- a creación dun posto de auxiliar administrativo (Grupo D, nivel complemento de destino 13, complemento específico 12.000€ anuais en 14 pagas).

### Cuestións:

1. Elabore a comparativa de custos para o financiamento da reorganización (3 puntos).

*Anexo I-retribucións básicas publicadas na Lei Presupostos Xerais do Estado para 2023.*

2. Indique as partidas orzamentarias do estado de gastos afectadas por esa reorganización. (2,5 puntos).

3. Se non fose posible afrontar o custo total cos postos amortizados sinale opcións de como se podería atender ao exceso empezando pola máis áxil (1,5 puntos).

**2)** En tanto se desenvolve o procedemento para nomear o persoal funcionario de carreira Grupo B que cubra o posto indicado no apartado anterior, acódesse á bolsa de interinos aprobada en 2022, solicitando o primeiro o 10/02/2023 e a aspirante Marta Pérez López, embarazada, quere toma posesión como funcionaria interina o 13/02/2023.

### Cuestións:

1. Desde cando pode tomar posesión e con base en que normativa (1 punto).

2. Con data 15/04/2023 a funcionaria causa baixa por enfermidade común. Confeccione a nómina correspondente ao mes de abril indicando como se calcularía a base de cotización coas cotas de cotización de empresa e empregado (4 puntos).

*Tipo IRPF a aplicar: 10%*

*Anexo I-retribucións básicas publicadas na Lei Presupostos Xerais do Estado para 2023.*

*Anexo II-Acordo de Mesa para o complemento de retribucións por IT.*

*Anexo III-cadro e tipos de cotización de 2023.*

**3)** Xa reincorporada, con data de 01/10/2023 Marta obtén a acta de deputada do Parlamento, o órgano competente toma razón e a proclama ese mesmo día, e ela presenta declaración de actividades solicitando o pase a dedicación exclusiva desde esa data.

Cuestións:

1. Indique a súa situación administrativa como funcionaria (0,5 puntos).
2. Que conceptos e importes liquídanselle na mensualidade de outubro 2023 se vive en Santiago de Compostela (1,5 puntos).

*Anexo IV-detalle dos conceptos económicos acordados para os membros da Cámara.*

**4)** Marta xestiona o contrato mixto de telefonía, sendo a oferta do primeiro clasificado polo importe de:

- A subministración: 200.000 € (importe sin IVE).
- Servizo anual: 200.000 € (importe sin IVE).

O tipo de licitación foi o seguinte:

- A subministración: 250.000 € (importe sin IVE).
- Servizo anual: 250.000 € (importe sin IVE).

A duración do contrato é de 3 anos prorrogable por un máximo de 2 anos.

A empresa incorreu en baixa temeraria cuxa xustificación foi aceptada pola Mesa de Contratación.

Cuestións:

1. Calcule o valor estimado do contrato (1 punto).
2. Calcule o importe de garantía a prestar (1 punto).

**5)** Xa en marcha o contrato de telefonía , a empresa pregúntalle a Marta que documentación precisa para recibir o pago das prestacións. Concretar. (1 punto).

**6)** Concrete as fases de execución orzamentaria polas que pasa o contrato e con que momento do procedemento de contratación se corresponden (2 puntos).

**7)** Terminado o contrato, a empresa solicita a devolución da garantía. Sinala os requisitos para a súa devolución (1 punto).

## CASO PRÁCTICO B)

D<sup>a</sup> Evangelina, logo de superar un proceso selectivo convocado pola Xunta de Galicia, toma posesión como auxiliar administrativo o 19 de maio de 1999, nun posto de nivel 14.

Debido a unha modificación sobrevida do posto que tiña adxudicado é removida do mesmo e adscrita provisionalmente a un posto de nivel 20 o 15 de maio de 2001.

O 20 de xuño de 2002 toma posesión dun posto de nivel 18, resultado dun concurso ao que se presentou, posto no que permanece ata o 19 de xullo de 2008 ao obter unha praza de administrativo por promoción interna, tomando posesión do posto de administrativo, con nivel 22, o 20 de xullo de 2008.

O 1 de agosto de 2020, toma posesión dun posto do grupo B, de nivel 25, no Parlamento de Galicia, ao aprobar unha oposición pola quenda libre.

O 9 de xullo de 2021 toma posesión dun escano no Parlamento de Galicia ao renunciar un deputado.

O 25 de xuño de 2022, o presidente da Xunta de Galicia convoca eleccións disolvendo o Parlamento. O 1 de xullo de 2022, D<sup>a</sup> Evangelina reincorpórase ao seu posto do grupo B no Parlamento de Galicia.

### Cuestiones:

1. ¿Que grao terá consolidado o 20 de xuño de 2002? (1 punto).
2. Tendo en conta a carreira administrativa de D<sup>a</sup> Evangelina, elabore a nómina que lle correspondería en maio de 2023. (C.E. 20.000 €/ano (3,5 puntos).

*Anexo I-retribucións básicas publicadas na Lei Presupostos Xerais do Estado para 2023.*

*Anexo II-Acordo de Mesa para o complemento de retribucións por IT*

*Anexo III-cadro e tipos de cotización de 2023.*

*Aplique un tipo de IRPF do 10%*

3. ¿En que situación administrativa se encontra, na actualidade, na Xunta de Galicia? ¿Desde que data? (0,50 puntos).
4. O 3 de maio de 2021, o seu sogro é intervido cirurxicamente no Hospital da Coruña aínda que ten a súa residencia en Santiago de Compostela. ¿Ten dereito a algún permiso? De ser así, ¿cantos días correspóndenlle e porqué? (0,5 puntos).
5. ¿En que situación administrativa está D<sup>a</sup> Evangelina a partir do 9 de xullo de 2021? Mentres permaneza nesta situación, ¿qué dereitos económicos e administrativos lle asisten? (1 punto).

6. ¿Pode prorrogarse a situación administrativa que teña máis aló da disolución do Parlamento? Non seu caso, ¿ata que momento? ¿Cal é ou procedemento a seguir? (1 punto).

Reincorporada á administración do Parlamento de Galicia trala disolución, toma posesión nun posto do Servicio de Persoal e Réxime Interior. Lle comunican que o Parlamento necesita contratar a adquisición de 80 equipos de traballo para deputados consistentes en:

- 80 ordenadores portátiles
- 80 ratos
- 80 impresoras
- 80 maletíns

Logo do estudo realizado polo Servizo de Tecnoloxías da Información, os prezos de mercado dos distintos compoñentes poderían ser os seguintes (importes sen IVE):

- 80 ordenadores portátiles .....1.000,00 €
- 80 ratos .....20,00 €
- 80 impresoras .....125,00 €
- 80 maletíns .....30,00 €

O Servizo de Tecnoloxías propón que o obxecto do contrato consista na adquisición dos compoñentes descritos e no soporte e mantemento dos ordenadores portátiles e as impresoras, cuxo custo prevé en (importes sen IVE):

- Cada ordenador portátil ..... 100,00 €/ano
- Cada impresora ..... 25,00 €/ano.

A duración do soporte e o mantemento se estima en tres anos, con posibilidade de prorrogala por dous anos máis.

O Servizo de Tecnoloxías propón que se prevea nos pregos a posibilidade de incrementar un 20% o número de cada un dos elementos que forman o equipamento para o suposto da incorporación de novos deputados durante a lexislatura, circunstancia que se produciría unicamente en caso de prórroga.

#### Cuestiones que resolver:

1. ¿É posible a división en lotes? Razoe a resposta. (1 punto).
2. Calcule o valor estimado do contrato e o orzamento base de licitación. (2 puntos).
3. ¿Qué tipo de procedemento de licitación pode ser utilizado? Razoe a resposta. (1 punto).
4. ¿Qué tipo de publicidade debe darse ao anuncio de licitación? (1 punto).

5. Se constata a presentación de seis ofertas. Logo da constitución da Mesa de Contratación e da apertura de sobres, a oferta dunha empresa incorre presuntamente en baixa anormal ou desproporcionada. Describa os trámites que corresponde facer para admitila ou descartala para continuar no procedemento. (1 punto).
6. A Mesa de Contratación acordou atribuír a seguinte puntuación ás ofertas recibidas:

|           | Criterios sometidos<br>axuízo de valor | Criterios aplicables<br>mediante aplicación<br>de fórmulas | TOTAL |
|-----------|----------------------------------------|------------------------------------------------------------|-------|
| Empresa A | 9,85                                   | 73,25                                                      | 83,10 |
| Empresa B | 10,56                                  | 69,23                                                      | 79,79 |
| Empresa C | 8,23                                   | 56,45                                                      | 64,68 |
| Empresa D | 13,50                                  | 67,42                                                      | 80,92 |
| Empresa E | 7,89                                   | 78,12                                                      | 86,01 |

Elabore a clasificación de ofertas e describa os trámites que procede facer antes da adxudicación do contrato. (2 puntos).

7. Describa os trámites que compre facer desde o momento da adxudicación do contrato ata o momento en que o equipamento é entregado Parlamento de Galicia. (2 puntos).
8. Sinala as partidas de imputación orzamentaria das prestacións do contrato. (1,5 puntos).